


612基金假支援真掠水 黃絲鬧爆 紛杯葛

「612人道支援基金」打住所謂「幫『手足』」嘅招牌而被「手足」追捧，最終都係因為幫唔到「手足」而被同路人唾棄。雖然兩年來「612基金」借住幫被捕「義士」之名吸金高達2.1億元，原本好多人以為「手足」會得到足夠支援，但估唔到個基金不斷被自己友揭發拒批「手足」申請，但益自己友同班「狀棍」時就手鬆。唔少黃絲都話睇穿佢層出不窮掠水伎倆，係「厚自己、薄義士、假支援、真掠水」，仲心灰意冷嘅話寧願留返啲錢吃喝玩樂好過，齊齊話要杯葛「612基金」。

●香港文匯報記者 黃書蘭、兩航



法援所限要換律師 被告嘆
612不支援 基金：無法獲心
儀代表 非安全網「穿窿」
[2019.12.10] 發表

捐養黃圈律師 剩識叫人認罪

邊度有得睇現實版《狼來了》？誠意推薦大家收睇告急次數多到數唔晒嘅「612基金」。話說近日有網民喺「連登」開post，提醒大家記得捐款畀就喺咁乾塘嘅「612基金」，點知唔少黃絲網民都話要杯葛，寧願留返啲錢吃喝玩樂。明明「612基金」打正旗號話籌到嘅錢會用嚟支援「手足」，點解啲黃絲咁「涼薄」嘅？

基金官網顯示，截至今年3月底，基金嘅可動用結餘得返143萬元，而基金4月份嘅預計開支為1,500萬元，根據官網嘅嘅數字，基金嘅本月得到12,353萬元捐款共14,283,866元，但距離本月籌款目標仲差70幾萬元。仲記得一眾黃絲係黑暴期間不斷強調，佢哋代表緊「200萬香港人」嘅聲音，相信有捐錢嘅199萬人一定有「苦衷」。

網民「重口味名士」近日就喺「連登」開post提醒大家捐錢，但「被拜登選中的細路」就話：「我係唔會比（界）錢叫啲『手足』認罪既（嘅）所謂律師。」「睇目識獨」就更消極：「反正手joke（『手足』）都係認罪博坐小（少）d（啲），都有得打，慳返唔洗（使）請律師啦，做第樣野（嘢）好過啦。」

「S.Rudy」就直言：「捐咗幾千（蚊）比（界）『攞炒巴』，冇錢了」「比爾蓋茨」亦好無奈：「身邊啲人淨係諗自己移民，『手足』已淪為condom」「公屋窮戶」就玩歇後語：「人不為己。」

「頑強持有」就慨嘆：「成班人淨係識講不割席（席），同上同落，贏（贏）就一齊贏（贏），輸就一齊輸，但力就『手足』出，監就『手足』坐，自己就繼續係（喺）度吃喝玩樂，連捐下（吓）『612（基金）』幫『手足』比（界）律師費都當睇唔到。」

道德綁架黃店 迫上繳「抗爭費」

喺黑暴同疫情雙面夾擊下，本港經濟低迷，但黃店仍舊要上繳抗爭基金，難怪「黃色經濟圈」開始走上壽終正寢嘅末路。香港文匯報早前報道，網上流傳一則疑為黃店店主嘅自白，佢大呻「黃圈」規定每月要將5天嘅收入上繳「星火同盟」「612基金」等所謂「抗爭基金」，類似「界保護費」，喺市道低迷下簡直係係乞兒兜攞飯食。

該黃店店主表示，當初因為怕被暴徒「裝修」刑毀，因而同流合污加入「黃圈」，詎料後患無窮。但話「黃圈」成員每月要上繳5天營業額「抗爭基金」，經過一輪討價還價後，終「講數」成功減至上繳兩日營業額，但佢始終火氣難消：「我都算了，當比（界）保護費，之後有暴徒來光顧就好似老馮咁……咁咪即係叫我白蝕舖租、人工、燈油火燭（蠟），入貨費。」

事實上，過去有唔少黃店大呻，「黃圈」由暴徒把持，除咗威脅藍店同幫襯藍店嘅顧客，黃店老闆都係「勒索」目標。有不少黃店老闆大呻試過俾黑店要求提供免費飯餐同優惠，仲要每月捐出指定日數收益畀「612基金」等「抗爭基金」，否則就會俾人唱衰係偽黃。

「黃圈最掂騙案」 不過隨時凍戶

貪得無厭嘅「612基金」去年12月嘅b宣布新增月捐模式，認住可以花式掠水，有網民就揶揄，只要夠黃點衰都會有人捐錢，「612基金」直頭係「黃圈」最成功個案，否則都唔會有咁多黃店有樣學樣。

正被香港警方通緝嘅民主黨前成員許智峯，早前聲稱自己一家人嘅銀行戶口因為政治原因而被凍結，唔只抵毀香港嘅法治同銀行信譽，連帶支援「手足」嘅「612基金」都中埋回力鏢，事關「612基金」去年底宣布新增接受信用卡月捐嘅方式，但好多黃絲都話怕「612基金」嗰戶口被凍結，又擔心整咗月捐後無法取消，所以紛紛唔敢捐錢。

「612基金」去年12月嘅b宣布新增月捐模式，認住可以恒常掠水，點知俾黃絲網民一句擊沉，好似「Ng Yee Hei」就話：「捐完被凍結咁咪白捐！」「Choi chi Hung」就話，好多自稱慈善機構嘅街上搵人碌卡月捐，但想停捐嗰陣就諸多手續：「試過打去銀行要求cut停，但銀行就叫我打返去收捐款間機構，結果人哋便係唔理我啦，『612基金』搞月捐真係要小心，一陣cut唔到就麻煩。」

「Chole Mok」就揶揄：「只要夠黃點衰都會有人捐錢，『612（基金）』直頭係黃圈最成功個案，否則都唔會有咁多黃店有樣學樣。」

圍內揮金如土 叫「手足」申法援

攞炒派以「幫義士」之名成日叫「手足」捐錢畀「612人道支援基金」，籌到成2.1億巨款，但就一直俾「手足」鬧爆唔支援，淨係識叫人申請法援，對「義士」嘅資助審批一啲都唔鬆手。好似早前就有「義士」向傳媒爆料，鬧「612」拒批資助，搞到佢只可以用素未謀面嘅法律援助。不過，「612基金」卻先後被揭對自己友大灑捐款，資助周遊列國，甚至搞個法律講座都要花「音響開支」幾萬蚊，咁大手筆，又難怪要對「手足」咁刻薄。

《明報》曾刊出化名「D小姐」嘅「義士」訪問，「D小姐」講自己原本嘅律師團隊因為超出法律援助限額而無法起用，轉向「612基金」申請資助時卻被拒，令佢要用素未謀面嘅律師，徬徨到喊，「突然同我講律師無咗，『612』又唔肯畀錢我打官司，我覺得咩都無晒。」

「612基金」嘅信託人之一、嶺南大學副教授許寶強當時回應《明報》話，擁有「無限資源」嘅法律援助制度可以為大家提供更大保障，認為有咁人有辦法由「心儀法律代表協助」，唔等於佢嘅法律權利無法行使，仲好絕咁比喻話大學讀唔到某一科，都唔代表有讀書。

掛名「人道」海外豪遊 豪買音響

網民「Timmy Poon」就咁樣駁斥佢嘅謬論：「即係例如我捐錢俾（界）你醫病，就係想你去搵私家醫生，點知個『基金』叫你公立醫院排隊先。」民主黨副主席梁翊婷亦睇唔過眼睇facebook發帖鬧爆：「『612』叫人申請法援，申請到，就唔支援？咁唔駛（使）你搞啦，申請法援我識辦做做啦！……明明係香港人的錢，邊個授權你去審批？Who are you（你係乜水）？」

另一邊廂，「612基金」又成日被揭「資助」自己友做大花筒。好似「612基金」就曾資助「香港大專學界國際事務代表團」喺倫敦、日內瓦「海外游說」嘅「交通膳食」費用；批出3萬蚊資助畀畀立法會示威區搞嘅法律講座做「音響開支」。

不過，喺2019年黑暴期間，「612基金」卻發帖叫班嘅前線「出生入死」嘅「義士」唔好掙錢：「請勿再聯絡基金要求資助裝備」「購買裝備或生活費並不是基金人道支援的範圍」。「612基金」仲話佢哋唔係「抗爭基金」，只係要為所謂「反送中運動」中受傷同被捕嘅人提供「人道支援」㗎，簡直龍門任搬。

假義務真割人 新手狀棍分贓

唔少「手足」都成日鬧「612基金」幫唔到手，班「義務律師」都係假義務，實質收天價。對住「手足」同市民成日哭窮，但對住班「狀棍」就好大手筆。好似早前「612基金」就聲稱要撥備逾1,500萬元，推出所謂「第二位大律師」資助計劃，聲稱要畀年輕律師「累積經驗」㗎。當時基金就俾唔少「手足」鬧佢哋根本就唔係幫「手足」，只係益晒一班「狀棍」，似開法律學院多過做所謂「人道支援」。

「612基金」信託人吳靄儀曾聲稱基金要為所謂「第二位大律師」資助計劃撥備逾1,500萬元，等咗同被告「手足」建立咗互信「嘅大律師」，可以繼續支援已經有法律援助律師嘅被告，「讓更多未獲得足夠經驗的年輕律師透過參與案件累積經驗。」

熱狗寸假大空 河童都被割

當時唔少同路人聽到「612基金」成日呻窮，都仲諗住請埋啲無經驗嘅「義務律師」嚟「累積經驗」，都大噏掠水。「熱血公民」副主席鄭錦濤亦睇facebook發帖揶揄所謂「義務律師」：「冇冇聽過『義務手足』、『義務抗爭者』呀？預設係有錢收，咪有呢啲詞彙囉。……我尊重專業嚟，收費係應該嘅，咁但係就唔好叫『義務律師』丫（㗎）嘛。」

唔少「手足」鬧開基金班「義務律師」割人，覺得課金都係益班「狀棍」。好似網民「Lock Lok」早前咁話：「認罪都收50萬，捐多多都好快使晒。」「Rex Lam」就話：「『義務律師』收12萬幾，『612』幫3萬6，然後『義士』差街數約9萬！」

已解散的「港獨」組織「香港眾志」原秘書長黃之鋒（河童）早前就以「有關我點睇612基金同理『人權律師』」為題發帖，兼幫「612基金」解畫，仲此地無銀咁話「可能大家覺得我處處維護基金」。不過，佢亦自爆都試過俾律師行追收30萬元律師費，仲要係「坐監前一晚叫我搵人籌錢」，但又死撐話係「『人權律師』當中樹大難免有枯枝」㗎。

「Bang Chen」就話：「大壯（狀）黨發過豬頭，成個『（黑暴）運動』佢哋最著（着）數。」亦有「手足」擔心，出名眾籌多嘅河童都要俾律師樓追數幾年，一般「手足」咪咁慘。